



STARFSÁÆTLUN FRÍSTUNDAR SALASKÓLA

2021 - 2022

Auðbjörg Sigurðardóttir
Forstöðukona

Efnisyfirlit

Hagnýtar upplýsingar	2
Gjaldskrá og innheimta	2
Starfið í vetur – Frístund.....	3
Hópastarf sem er í boði	4
Hópastarf sem kennarar sjá um	4
<u>Hressing</u>	
Samstarf við íþróttafélög.....	5
Skólabragur.....	5
Ef grunur vaknar um einelti.....	5
Barnaráð	5
Foreldrasamstarf	6
Öryggi og verkferlar.....	6
Fyrirkomulag inn- og útskráningar barna.....	6
Barn mætir ekki	6
Á ferð með börnin	6
Að fara í íþróttarútu	6
Alvarleg slys	7
Smávægilegir áverkar	7
Rýmingaráætlun	7
Innra mat	7
Símenntunaráætlun	7
Starfsfólk í frístund	8

Hagnýtar upplýsingar

Forstöðukona Frístundar er Auðbjörg Sigurðardóttir. Frístund er fyrir börn í 1.-4. bekk. Sími Frístundar er 441-3200. Símatími er alla virka daga milli kl. 12:00 og 13:00 en eftir þann tíma er bara hægt að ná í okkur í gegnum netfang. Ef nauðsyn krefur er hægt að koma skilaboðum í gegnum skólaritara. Netfang Frístundar er Frístund@salakoli.is og æskilegt er að öll skilaboð séu komin fyrir kl 12:00 viðkomandi dag.

Allar umsóknir í Frístund þurfa að berast í gegnum þjónustugátt Kópavogs.

<https://ibuagatt.kopavogur.is/login.aspx?ReturnUrl=%2fdefault.aspx> .

Frístund er opin frá 13:30-17:00 alla virka daga. Frístund hefur tvo skipulagsdaga á skólaárinu og þeir eru 18. nóvember 2020 og 16. mars 2021. Þá daga er lokað hjá okkur. Þegar skólinn er með vetrarfrí þá er lokað í Frístund. Þegar skólinn er með skipulagsdaga og foreldraviðtöl þá er opið í Frístund frá kl 8:10-17:00. Skrá þarf sérstaklega á þessa daga með því að fara í gegnum þjónustugátt og skrá í Völu. Einungis er tekið á móti skráðum börnum þessa daga.

20. og 22. desember er opið í Frístund Salaskóla frá 8:00-16:00. Skrá þarf á þessa daga.

27.-30. des er opið í Frístund frá 8:10-16:00. Vikan á milli jóla og nýárs er opið í fyrirfram ákveðnum skóla í Kópavogi. Skrá og greiða þarf sérstaklega fyrir þessa daga.

11. apríl – 13. apríl í Dymbilviku er opið í Frístund frá 8:10-16:00. Skrá þarf sérstaklega á þessa daga.

Forföll eru tilkynnt til skólaritara eða í gegnum Mentor. Öll önnur forföll eða frávik þarf að tilkynna til Frístundar.

Gjaldskrá og innheimta

Gjaldskrá má sjá á viðkomandi hlekk <https://www.kopavogur.is/is/gjaldskra>

Innheimta dvalar- og matargjalda fyrir frístund og fæðisgjald fyrir hádegismat fer fram hjá innheimtudeild Kópavogsbæjar. Innheimta fer fram samkvæmt innheimtuleglum Kópavogsbæjar. Skóli kemur óformlega að innheimtu eins og hér segir og sér um að segja upp vist/áskrift ef ekki er gengið frá greiðslu eftir ákveðinn tíma.

- **1. hvers mánaðar** er gjalddagi. Gjöld í frístund eru innheimt fyrirfram.
- **10. hvers mánaðar** er eindagi.

- **12. hvers mánaðar** sendir innheimtudeild út stöðu vanskila. Skal skóli veita óformlega áminningu hafi skuld ekki verið greidd (t.d. símtal eða tölvupóstur) áður en formlegt ferli af hálfu bæjarins fer af stað.
- **20. hvers mánaðar** hefst formlegt ferli af hálfu bæjarins, þá er send áminning frá bankanum til þeirra sem ekki hafa greitt.
- **10. næsta mánaðar** fer krafa í milliinnheimtu til Inkasso hafi skuld ekki verið greidd og er þá úr höndum bæjarins. Sjá nánar ferli mála í milliinnheimtu og löginheimtu í innheimtureglum Kópavogsbæjar.
- Ef skuld hefur ekki verið greidd **að tveimur mánuðum liðnum** skal skólinn segja vist barns/mataráskrift upp frá og með næstu mánaðarmótum þar á eftir.

Starfið í vetur – Frístund


Við byggjum Frístund upp á fjölbreytileika og að allir fái verkefni við sitt hæfi. Yfir skólaárið er Frístundin þrískipt

Haustdagskrá er frá skóla byrjun til 1. október. Yfir veturinn erum við með öflugt hópastarf.

Vetrardagskrá 1.október til 1.maí. Vetrardagskráin byggist upp á hópastarfi. Skipt er í hópa eftir árgöngum. Á þessu tímabili er skipulögð dagskrá til 15:30 alla daga. Kaffið er frá kl 13:30-14:00 alla daga.

Vordagskrá er frá 1.maí og til skólaloka. Þá er lögð áhersla á hreyfingu og útiveru. Það er mikið farið í hjóla- og göngutúra um hverfið okkar og næsta nágrenni ásamt strætóferðum á söfn og skemmtileg svæði til að leika á. Einnig er þá mikið um skipulagða leiki á skólalóð og nágrennaskólar okkar heimsóttir hvort sem er um fótboltakeppni að ræða eða að skoða og leika í öðrum skólum.

Í miðju rými Frístundar er tafla sem sýnir myndrænt skipulag dagsins hjá öllum hópum.



Hópastarf sem er í boði

Föndur: Erum með nokkur verkefni í gangi í einu. Skiptum öllu föndri út á ca. 2ja vikna fresti.

iPad tímar: Kennari sem sér um tölvuumsjón er búin að búa til svæði fyrir okkur. Þar er mikið af þroska- og námsleikjum sem þau geta farið í. Einungis má vera á þessu svæði þegar verið er í iPad í Frístund.

Bakstur: Allir hópar fara einu sinni í viku í bakstur. Þar er verið að fara í alla almenna undirstöðu í bakstri og frágang í eldhúsi.

Bókasafn: Það er róleg og notaleg stund. Þar er hægt að skoða bækur, mikið af spilum og svo er hægt að lita og teikna.

Danssmiðja: Þar er verið að semja dansa sem og kenna dansa af ýmsum toga

Salurinn: Þar er verið að fara í stærri hreyfileiki.

Spilahópur: Þar er farið í borðspil af öllum gerðum. Þar er líka hægt að fara í golf og pútta sem og æfa sig í innikeilu.

Legóhópur: Þar er verið að byggja og skapa af miklum móð.

Hópastarf sem kennarar sjá um

Gerpla. Tvisvar í viku erum við með tíma úti í Gerplu. Það eru tveir þjálfarar frá Gerplu sem sjá um að byggja upp tímann. Hreyfing í leik er það sem gengið er út frá.

Skák. Skák kennari sér um öflugt skákstarf. Þar er bæði farið í undirstöðuatriði og ásamt því að tefla. Mikið er um skákmót.

Við erum með FB síðu þar sem við erum dugleg að setja inn myndir frá starfinu.

Hressing

Þegar skóla lýkur kl 13:30 byrja öll börn á að fara inn í matsal og fá sér hressingu. Þar er í boði brauð og álegg. Jógúrt suma daga. Hrökkbrauð og hafrakex. Við erum annað slægið með skonsur og flatkökur. Ristabrauð er vinsælt og stundum erum við með grillaðar samlokur. Inn á miðju í Frístund er alltaf eitthvað í boði líka. Þar er alltaf skál með ávöxtum og grænmeti.

Samstarf við íþróttafélög

Það er stórt skref að fara á æfingar og geta séð um sig sjálfur. Foreldrar þurfa að hugsa vel út í þessi mál. Okkar ábyrgð á barninu nær ekki út fyrir skólalóðina.

Tómstundarvagninn fer í öll íþróttahús. Blár bíll, græni bíll og rauði bíll

Við erum líka í samstarfi við Gerplu og sendum börn á æfingar þar.

Það er líka samstarf um að senda börn sem æfa sund hjá Breiðabliki á æfingar þar.

Skólabragur

Við leggjum mikið upp úr að öll samskipti gangi vel. Það eiga allir að fá að njóta sín. Við höfum verið að gera verkefni sem efla og styrkja hópinn sem þau eru í sem heild. Við höfum verið með verkefni þar sem við erum að fjalla um vináttuna. Hvernig vinir við viljum vera og hvað gerir okkur að góðum vini. Þau fara svo út með myndavél og mynda vináttu. Við höfum fjallað um einelti og gert eineltismyndbönd.

Ef grunur vaknar um einelti

Ef grunur vaknar um einelti þá fylgjumst við vel með þeim samskiptum. Haft er samband við foreldra og námsráðgjafi er settur í málið.

Barnaráð

Barnaráð er starfandi í Frístundinni. Þar er verið að vinna með barnalýðræði í sem víðustum skilningi. Tíu barna hópur þvert á alla hópa hittist einu sinni í viku og farið er yfir starf Frístundarinnar. Hvað er skemmtilegt að gera og hverju vilja þau breyta og bæta. Allir sem eru í Frístund fara einhvern tíma í barnaráð. Við starfólkið rýnum svo í punktana sem koma og reynum að uppfylla þær óskir sem eru raunhæfar.

Foreldrasamstarf

Við leggjum mikið upp úr að foreldrasamstarf sé gott. Við viljum að bilið á milli foreldra og Frístundar sé sem minnst. Öllum póstum og skilaboðum sem berast er svarað samdægurs.

Öryggi og verkferlar

Fyrirkomulag inn- og útskráningar barna

Í upphafi dags er farið yfir þau börn sem eru fjarverandi á mentor. Þegar börn koma í Frístundina eru þau skráð inn í skráningarkerfið Völu, í iPad. Þegar barn fer þá er það skráð út með sama hætti.

Barn mætir ekki

Ef barn sem á að vera í Frístund skráir sig ekki inn er byrjað á að hafa samband við kennara og athuga hvort það komi einhverjar upplýsingar þar fram sem geta útskýrt þetta. Byrjað er að leita í skóla og á skólalóð. Haft er samband við foreldra.

Á ferð með börnin

Þegar farið er í ferðir er skrifaður nafnalisti og fjöldi barna sem fara í ferðina skráður. Það er gengið í röð og starfsmenn dreifa sér jafnt á hópinn. Ef um strætóferð er að ræða eru aldrei fleiri en 28 börn í hóp.

Að fara í íþróttarútu

Þeir foreldrar sem notfæra sér tómstundarvagninn láta okkur vita(allt skráð í Völu) í hvaða rútu barnið á að fara. Við þösum að barnið fari á réttum tíma í rétta rútu. Starfmaður í rúttunni tekur svo við þeim þegar í rúttuna er komið.

Alvarleg slys

Ef um alvarlegt slys er að ræða er hringt á 112 og haft samband við foreldra.

Smávægilegir áverkar

Ef smávægilegir áverkar- lítil sár og þess háttar kemur upp, þá eru þau hreinsuð og settar viðeigandi umbúðir. Ef um höfuðhögg og tannáverka er að ræða er alltaf haft samband strax við foreldra.

Rýmingaráætlun

Ef viðvörðunarkerfi skólans fer í gang. Þá er samskonar rýmingar áætlun og gert er á skólatíma. Frístundin og þeir hópar sem eru í stofum skólans eru rýmdar og hópurinn fer á viðeigandi stað á skólalóðinni.

Innra mat

Frístundin er með fundi alla virka daga með frístundaleiðbeinendum sem starfa í Frístundinni. Þar er farið yfir daginn og skipulagið í heild sinni. Þar er góður vettvangur til að fara yfir þau mál sem betur mega fara og efla góða hluti líka.

Stjórnendur halda morgunkaffi með hverjum árgangi fyrir sig. Þar er forstöðukona Frístundar og fer hún yfir skipulag starfsins. Þarna er góður vettvangur fyrir forelda að koma með athugasemdir og spurningar. Á meðan morgunkaffinu stendur koma foreldrar með skriflegar athugasemdir. Við fáum svo niðurstöður úr þessu og er það gott tækifæri að breyta því sem fólk er ekki ánægt með.

Stjórnendur senda líka út foreldrakönnun. Þar fær Frístundin líka niðurstöður um innra starf hennar.

Símenntunaráætlun

Þeir sem starfa í Frístundinni eru sendir á skyndihjálpar námskeið ár hvert. Skólinn hefur svo sett upp námskeið þar sem farið er yfir þarfir barna sem eru með greiningar.

Starfsfólk í frístund

Listi yfir starfsfólk og starfsheiti í frístund

Auðbjörg Sigurðardóttir Forstöðukona
Birkir Karl Sigurðsson Skákkennari
Kolbrún Grétarsdóttir Aðstoðar forstöðukona
Einar Karelsson Þjálfari í Gerplu

Eftirmiðdagshressing

Eyvindur Aron Jakobsson kokkur
Ewa Amelia

Aðrir starfsmenn í Dægradvöl

Stefanía Sigurðardóttir
Kristrún Sveinbjörnsdóttir
Heiðís Magnúsdóttir
Óttar Orri Óttarsson
Tinna Sigmarsdóttir
Eypór Trausti Jóhannsson
Sara Fannarsdóttir
Antónía Eir Skúladóttir
Ívar Kristinsson
Elvar Örn Halldórsson
Tómas Ingi Villalobos

Myndaveggur af starfsfólk
Frístundar.

Nafn og vinnutími.

